

Kursn va bersntolerisch: men vònk u as de 27 van leistagest

Abia öll jor s Schualinstitut Persn 1 zömm pet de hilf van Bersntoler Kulturinstitut ont per de gamoa'n van tol, organisiart der kurs va bersntolerisch. Der kurs bart u'vengon as de 27 van leistagest ont er bart tauern 20 stunnens. De treffen barn se hòltin en sitz va de Earsteschual va Vlarto en vraita va um öchta ont a hòlbs pis un zeichena ont a hòlbs zobenz. De toalnemmen barri toalt kemmen en drai grupp. Der earste ist ver de sèlln as vònken u' zu studiarn de inser sproch ont as belln learnen de earstn beirter. S ist der grupp as hòt olbe mearer toalnemmer ont de mearestn sai' vremmen as sai' enteressiert za kennem pessere de inser sproch. Der önder grupp enveze ist gamöcht va lait as bissn schoa' eppes, oder bavai de stea' en inser Tol, oder de hom vra't as kennem de sproch, oder, ont de doin sai' olbe mearer, bavai de hom schoa' öndra kursn va bersntolerisch gamöcht. En dritte kurs sai' drinn lait as kennem guat de inser

sproch ont as belln se lai verpesser, oder as belln learnen za schraim. En de leista jarder ist kemmen gadrukt vil material ver za learnen s bersntolerisch. Ver de kursn pracht men s puach „Oás, zboa, drai... bersntolerisch“ as ist kemmen gadrukt van Bersntoler Kulturinstitut ober s hòt vil öndra piacher as men mu prachtun ver za learnen de inser sproch. De doin kursn kemmen organisiart van Schualinstitut Pergine 1, bavai s gasetz sok as ist de schual as mias sa hòltin. Men mu se innscharim en kanzlaiomt van schualistitut as ist offert van ma'ta finz en vraita va um öchta ont a hòlbs fiz um zeichena ont a hòlbs. Dòra, ver de sèlln as belln probiarn, bërt men gea' meing za möchen der esam ver en kennem de aigene sproch ont kultur va de bersntoler minderhait. Abia as ber bissn, s ist an esam as kimmp gamöcht almen a vòrt as jor va de Tolgamoaschöft Hoa Valzegu' ont Bersntol. Der esam ist toalt en viar trittn. Der tritt

as kimmp versichert kimmp tschaazt no en de livei as kemmen u'ganommen va de gönze europa (qcer) no en Europeische rot. Sech ber sa: Tritt A2, Tritt B1, Tritt B2, Tritt C1 ont C1 learer. Der erste, «Tritt A2», versichert as de kandidatn kennen s bersntolerisch ver de òrbetkategorii A. De zboate schòrt, as hoast «Tritt B1», kimmp gamöcht ver de òrbetn en de kategori erste B. De dritte schòrt, «Tritt B2», versichert as de kandidatn kennen s bersntolerisch ver de òrbetkategorii zboate B ont C. Dòra hòt s der «Tritt C1», as kimmp gamöcht ver za nemmen toal en konkursn ver de òrbetkategorii D. Der leiste ist der esam ver de sèlln as belln gea' za learnen en de schual ont, zömm pet en bersntolerisch, de kandidatn miasn möchen an esam va taitsch aa. Dòa bavai de inser learner learnen en de kinder taitsch ont bersntolerisch. S ist der «Tritt C1» ver de òrbetkategorii D ont learer pet en versicher van kennem

de taitsch sproch. De kommission as möcht der esam ist gamöcht van drai lait, oan' ist u'ganommen kemmen van Bersntoler Kulturinstitut ont an öndern va de Provinz. S hòt an öndern mittoal as schauk aus der esam van taitsch S gasetz sok as de sèlln as hom der titln, hom de meglechket za kemmen auganommen vor de öndern en de ölgamoaschöft. Derzua, de learer as belln gea' za òrbetn en de schual oder en kindergörtn en de Gamoa'n va sprochminderhait miasn hom de versicher van bersntolerisch zömm pet de sèll van taitsch. Being en sèll, kimmp s gamöcht an esam va bersntolerisch ont an öndern van taitsch. Ver za tea' dòs, en de doin strukturn kemmen auganommen vor de öndern learer as hom der patentin ver za learnen de minderhaisproch.

LORENZA GROFF

“U'learnen ont learnen de sprochminderhain”, der kurs IALM ist garift

S sai' vil jarder as de Provinz trok envire projektn va hoapildung ver learer ont ver lait as gea' en de schual za learnen en de studentn de sprochen minder kennt.

De sprochen abia s ladin, s lusérnerisch ont s bersntolerisch, kemmen tsöck minderhaisprochen oder sprochen minder kennt, no en zeil van lait as se präuchen keing de sprochen as kemmen mear präucht en an lònt. Van doi sprochen der UNESCO hòt tsöck as se sai' Languages in danger. Ober de doin sprochen hom nicht va minder. De hom an groasn bërt ver de kultur, ver de prach ont ver de gsicht van gamoaschöft.

Being en sèll, sai' runt bichte de projektn gamöcht ver za gem bërt en de doin sprochen abia der sèll as ist u'pfönnk en doi langes ont as ist kemmen organisiart van Dipartiment van Lear ont va Filosofi va de Universitet va trea't, zömm pet de unterstitz van Dinst ver de sprochminderhain va de Provinz. Der kurs kimmp no en projekt CLAM as ist gaben an untersuach ver za studiarn der stönt van sprochen mider kennt va de inser provinz pet en zil za meing veròrbetn projektn va sprochpolitik. No de untersuach ist kemmen gamöcht "Linee guida per la tutela e la valorizzazione delle lingue cimbra, ladina e möchena in area dolomitica". Oan' van projektn as sai' kemmen vourtsechen no de untersuach ist de ausbildung van learer va de schual. Being en sèll, der dipartiment van lear ont va filosofi va de




Lettratt: Druckamt PAT

Universitet va Treia't, zömm pet de unterstitz va de Provinz, hòt organisiart de doi zboate edizioni van kurs IALM "Insegnare e apprendere lingue di minoranza". Abia tsöck, s ist gaben an kurs ver za learnen abia as men learnen en de lait a taitscha sproch abia de inser.

Der kurs ist u'pfönnk en moi ont er ist derkennt kemmen abia ausbildungskurs ver learer. No der earste tréff ka de Universitet va Treia't, ist er enviregöngne online en moi ont en prochet. Ont iaz en leistagest sai' sa kemmen organisiart de bérkn ka Lusérn. De temen as sai' kemmen derkloft sai' vil gaben: abia tsöck, de minderhaisprochen, s learnen de doin sprochen, s balsch ont europeische récht as de gamoaschöft van sprochen minder kennt, de alpinantropologi ont kulturpahalter, gsicht ont gsicht van sprochgrenzen. Der learkurs ist kemmen regiart van professoren va germanistik va de Universitet va Treia' Ermengildo Bidese ont Federica Ricci Garotti. Öndra relatorn sai' Rosalba Perini, Giorgia Decarli, Vincenzo Tudisco ont Jens Woelk, Annibale Salsa, Emanuele Curzel, Mariapia D'Angelo. Der kurs ist garift ka Lusérn pet en leiste tréff iben en "Rècht, sprochva minderhain ont sprochaußonderskait" gahöltan van professor va komparatprivatrecht va de Universitet va Treia' ont ibergem van rektor en de Naikaitn ver de sprochminderhain, Jens Woelk.

LORENZA GROFF

Gèltsgott, cari Paolo e Pio



Herbest, Pintorelli P. 1987(Bersntoler kunst, BKI, 2001)

Mani abili, capaci di fermare sulla carta gli indimenticabili paesaggi della Valle, delicate nel dipingere acquerelli straordinari, veloci e precise nel plasmare, scalpello e martello, il legno per farne sculture di arte finissima. Mani guidate dal cuore e soprattutto generose. Generose nel donare alla nostra comunità, tesori di incommensurabile valore. Sempre disponibili a collaborare, ad organizzare insieme mostre ed eventi, a mettere a disposizione della nostra gente tutta la loro abilità. Mani colme di bontà. Vorrei ricordarvi così oggi, cari Paolo e Pio. E ringraziarvi per la vostra disponibilità, per la vostra capacità di collaborare, di lavorare insieme, per il vostro credere nella nostra comunità. Fratelli uniti nell'amore per l'arte, uniti lo siete stati anche nel momento della dipartita. Non ce l'aspettavamo davvero, di dovervi salutare così presto. Eppure la vita, che ci dona persone straordinarie lungo il nostro cammino, è capace anche di sconcertarci con momenti come questo. Oggi la nostra comunità perde due grandi uomini che hanno ricevuto dalla Vita il dono dell'Arte e lo hanno saputo condividere sempre con la propria gente. Vi ringraziamo per questo e vi salutiamo con il cuore colmo di tristezza. Certi però che troverete ancora infiniti paesaggi da dipingere, attimi da fissare sulla tela, cieli tersi da disegnare. È stato un grande dono, quello di poter condividere una parte del cammino con voi. Requiescatis in pace, carissimi Paolo e Pio. (lg)

KONZERT VAN COR VALBRONZALE

Mornig um öchta ont a ölbs zobenz en de gamoasol va Palai bart se hòltin der konzert van cor Valbronzale va Ospedaletto pet en viarer Davide Minati. Iar sai' ölla inngalönt.

DER BÈRK «IMMAGINA NATURA»

Van an idea va Stefano Gaio ont va Giorgia Pallaoro, kimmp s organisiart an bérk van titl "Immagina Natura", as ist a toal van projekt "Cultura in rete". Er bart se hòltin umanönder en Tol va de 21 van leisagest fin as de 5 van schanmikeal. S ist an kurs ver za kennem s Bersntol ont der Lagorai. Men mu se innschraim lai finz as 10 lait ont ver za schaim se inn, verlònk men za kennem zoachen ont gea' as de pérng. De enteressiert, as mias hom almen 18 jor, meing se innschraim derèckt kann sèlln as organisiart der tréff. Men zolt 20 euro an iatn. Men mias se mitnemmen material ver za ziachen ont der vormes.

Der kurs kimmp organisiart va de gamoaschöft zömm pet de sèlln va Palai, va Vlarto, va Valisn, va Garait, va de Apt, va de Pònk Hoa Valzegu', ont va de Tolgamoaschöft Hoa Valzegu' ont Bersntol. (lg)